

Umhverfisstofnun

Environment and Food Agency of Iceland

Suðurlandsbraut 24
IS - 108 Reykjavík, Ísland

Ø (+354) 591 2000
Fax (+354) 591 2010
umhverfisstofnun@ust.is
www.umhverfisstofnun.is

Skipulagsstofnun

Jakob Gunnarsson

Laugavegi 166

150 Reykjavík

Reykjavík, 18. apríl 2005

Tilvísun: UST20040600120/bs

Efnistaka ofan Þórustaðanámu í Ingólfssjalli, Sveitarféluginu Ölfusi. Tilkynning um matsskyldu.

Vísað er til bréfs Skipulagsstofnunar dags. 30. mars sl. þar sem óskað er álíts Umhverfisstofnunar á matsskyldu ofangreindrar efnistöku. Jafnframt er vísað til tölvubréfs frá Skipulagsstofnun dags. 7. apríl sl. þar sem fram koma frekari upplýsingar um framkvæmdina.

Núverandi náma: Efnistaka úr sjálfi Þórustaðanámu hefur staðið síðan 1957. Frágangi hefur lítt verið sinnt og hafa ummerki um efnistökuna verulega neikvæð áhrif á ásýnd Ingólfssjalls. Ekki er fjallað um mögulegan frágang námunnar í kynningarskýrslu.

Fyrirhugað er að taka alls 2.045.000 m³ af efni á samfelldu svæði ofan núverandi fjallsbrúnar. Efnistökunni er skipt í two áfanga. Í fyrsta áfanga er ráðgert að taka 45.000 m³ af efni á um 1 ha svæði og að það svæði dugi fram á haust 2005. Í kynningarskýrslu er ekki gerður fyrirvari um að ákvörðun Skipulagsstofnunar um matsskyldu framkvæmdarinnar kunni að hafa áhrif á fyrirhugaða efnistöku sumarið 2005.

1. Áfangi: Á þessu svæði er ráðgert að taka 45.000 m³ á sama svæði og á sama hátt og síðan efnistaka sem fram fór upp á Ingólfssjalli 2004. Sú efnistaka hafði verulega neikvæð áhrif á ásýnd fjallsins, því efni var ýtt fram af klettabelti efst á fjallinu og við það myndaði áberandi geil í fjallið jafnframt því sem brún fjallsins lækkaði. Ef framhald verður á efnistöku á þessu svæði er það álit Umhverfisstofnunar að ekki eigi að ýta efni niður af fjallinu með þeim hætti sem gert hefur verið til þessa heldur verði efni komið niður um þá rás sem fyrirhugað er að nýta við efnistöku í 2. áfanga. Umhverfisstofnun telur jafnfram að halda eigi ákveðnu belti, 50-100 metra breiðu, óröskuðu bæði vegna efnistöku og tilfærslu efnis til að draga úr sjónrænum áhrifum efnistökunnar. Tiltölulega lítill hluti efnistökunnar á Ingólfssjalli er fyrirhugaður á þessu svæði, en ljóst er að neikvæð sjónræn áhrif efnistökunar verða veruleg ef staðið verður á sama hátt að verki eins og gert var við efnistöku á þessu svæði árið 2004.

2. Áfangi: Fyrirhugað er að taka 2.000.000 m³ af efni. Flatarmál svæðisins er 2,5 ha og er áætlað vinnsludýpi allt að 80 m. Efnistaka í 1. og 2. áfanga mun mynda samfellt námusvæði á


fjallinu. Fyrirhugað er að standa á svipaðan hátt að efnistöku á þessu svæði og í 1. áfanga þ.e. að ýta efni niður af fjallinu niður í Þórustaðanámu. Líklegt að lækka þurfi efsta hluti rásar sem flytja á efni af svæðinu samfara lækkun námubotns. Frambrún fjallsins mun því lækka á þessu svæði og innsýn í námuna aukast með tímanum. Ekki er í kynningarskýrslu fjallað um hugsanlegar breytingar á ásýnd fjallsins vegna þessa áfanga né hvernig koma megi í veg fyrir eða draga úr áhrifum efnistökunnar á ásýnd Ingólfssjalls.

Niðurstaða: Umhverfisstofnun telur að 2.045.000 m³ efnistaka á Ingólfssjalli gæti haft umtalsverð umhverfisáhrif í för með sér af eftirfarandi ástæðum:

1. Stærð og umfangi efnistökunnar.
2. Sammögnumnaráhrifum með þeirri námu sem fyrir er, þ.e. Þórustaðanámu. Ekki virðast liggja fyrir neinar áætlanir um frágang þeirrar námu, þannig að náma uppi á Ingólfssjalli með ófrágenginni Þórustaðanámu mun valda verulegri breytingu á ásýnd Ingólfssjalls.
3. Umhverfisáhrifum þeirra vinnubragða sem felast í því að efni er rutt fram af fjallinu, fjallsbrúnin brotin niður og geil mynduð í fjallshlíðina. Samkvæmt því vinnulagi sem lýst er mun efnistaka á þessum stað hafa verulega neikvæð sjónræn áhrif í för með sér.

Virðingarfyllst

Björn Stefánsson



Helgi Jónasson
Forstöðumaður